



袁中郎先

16  
2676  
6



門 16  
號 2676  
卷 6

梨雲館類定袁中郎先生全集卷之七



公安袁宏道中郎著

孫憲健菘圃重鐫

七言律

登焦山

海門一帶霧初收。碧樹丹崖小十洲。山襟雲帆  
浮水上。江盤螺髻出潮頭。經堂晝寂眠蒼兕。石

袁中郎先生全集 卷之七 七言律

壁晴空挂野猴白首閉關僧自苦。花開花落也  
春秋。

病中和黃道元至日禪寺夢愁詩

一番花信又成春。百結枯腸萬轉輪。鈴下久停  
辰後版功曹空閣。案間塵消愁莫問。弓蛇影對  
境聊觀夢幻身。宮縷添來非我有。祇應添得與  
游人。

別王百穀

河上青霜雁字斜。西風匹馬又天涯。錦帆溼遶  
郎官舍。冠子橋通處。士家好事每揮林。下塵清  
齋長試穀。前茶東鄰不是無。姝子眼底何人解  
浣紗。

閒居禩題

樹老無花也自新。山茶紅似女兒唇。數莖白髮  
春前長。一點青巒雨後真。鶯欲下枝先作語。鵲  
能占歲亦如人。錦韉金絡紛紛去。飛盡晴郊十

里塵

其二

儒衣脫卻禮金仙三十偷閒也少年芊草如氈  
花欲舞淡烟垂幙柳高眠興來學作春山畫病  
起重箋秋水篇酒障詩魔都不減何曾叅得老  
龐禪

其三

晴日園林放好春館娃宮裏拾香塵癡心未了

鴛鴦債宿命多慚鸚鵡身柳愛風流因病睡鵲  
貪歡喜也嗔人桃花不識潘郎去又逐東君一  
面新

其四

一番丹蕊一番泥何處垂楊無馬嘶芍藥有香  
兼有態山雞能舞亦能啼陰晴雨旱勞占問雲  
月風花細品題十分漆園學得五逍遙猶可物  
難齊

其五

幽窗重鑷鬢邊絲贏得青鬟諛少時鑪合博山  
烟吐篆沙烘石子煖圍碁靚粧却念畫眉烏伎  
巧愁聽百舌兒笑殺陶家五楊柳春來依舊折  
腰肢

其六

縱多桃李也無言只是然籬與映門暖日護將  
鸚鵡瘴和風吹却鷓鴣瘟鄉書題就雙重暈鑪

氣薰殘一縷温夢裏明明渡湘水不知若箇似  
仙源

皇甫仲璋邀飲惠山上

東風吹水浴平沙鷓鴣鷓鴣滿釣槎去日翟公  
猶有客到來潘岳已無花谿鱗呷雨層層浪水  
碓春雲處處家白石青松如畫裏臨流乞得惠  
泉茶

其二

萍跡猶憐滯水鄉。濯纓滿地是滄浪。罷來僊縣  
郎官。綬扮作青谿道士。裝沙鳥。傍人眠不醒。岸  
花經雨折。還香。相思別後。知無益。爛向春風醉  
一場。

元宵飲華中秘宅上

青絲華管夜從容。客正闌時酒正濃。堂上觀燈  
蓮品品。尊前顧影面重重。博他鏡月千迴醉。假  
我雲山第幾峯。塵尾奮來毛欲盡。當筵風雨約

譚鋒

其二

長竿百尺擁燈輪。濁酒千巡意轉真。霜亞殘枝  
花片老。雲拖輕影月痕新。訂將白石成知己。擲  
却烏紗是野人。漏水銷來杯不盡。當軒鸚鵡亦  
留賓。

飲華中秘園亭上

東風楊柳濯青枝。暖日池臺豔豔姿。巧石疎花

宜對酒文窗香閣好彈棋。饑來野鶴如人嬾飲。  
去河豚亦自疑。竹里辛夷差得似天然。一幅朝  
川詩。

得罷官報

擬將心事寄烏藤。料得前身是老僧。病裏望歸  
如望赦。客中間去似聞陞。尊前濁酒慙慙醉。飽  
後青山漫漫登。南止宗乘叅取盡。龐家別有一  
枝燈。

遊惠山作

柳色漸舒枝漸齊。流鶯澁澁弄春啼。花溪水赤  
香魚子。荒草芽青倦馬蹄。鷓鴣鳥不行。終戀侶。穀  
鳩無屋懶呼妻。一瓶煖貯惠泉酒。過得層巒日  
又低。

其二

雪後青山暖復鮮。疎黃淺綠也堪憐。高僧執卷  
供談柄。少婦明粧送佛錢。向子無端兒與女。華

陽多事道兼禪。浮生早被微名誤。遲向人間醉  
五年。

和沈飛霞代老姬別用原韻

雙龍毛羽若爲垂。銷盡琵琶十里街。燕子有情  
終戀主。雞皮無色強名娃。愁同班氏秋來扇。願  
作楊家多後釵。桃葉桃根君記否。當年親指帶  
如淮。

踏堤曲

濃綠疎黃總占新。六橋風日更精神。柳腰似欲  
爭遊妓。鶯舌分明喚醉人。暖谷蒸香疑作雨。芳  
蹊吹汗不沾塵。洛妃謾欲凌波出。曹植荒唐恐  
未真。

其二

畫閣層層出曉波。東風湖面軟於羅。佳人穠李  
山花髻。蕩子垂楊水調歌。蝴蝶意閒隨夢去。鴛  
鴦情熱奈春何。蘇公雅亦稱相識。浪比西施媿



已多

其三

桃葉成蹊柳作行。東風吹熱少年場。趙家姊妹  
皆端正。謝族兒郎有短長。陌上口聲多汴語。壚  
頭結束盡唐裝。吳歌越舞顛如夢。不是湖山也  
斷腸。

其四

亭亭如月婉如春。堤上樓邊總麗人。柳汁染將

袍色嫩。梨花吹落粉痕新。珠簾欲度聞仙語。寶  
屐初移拾翠塵。宋玉也知空作賦。越姬十倍勝  
東隣。

飲第六橋酒壚上

流芳亭畔草如油。墮粉吹香歷幾秋。鄂國有祠  
爭下馬。西陵無主漫登樓。玉龍釀熟多酬直土  
哺魚肥。易上鉤。南北諸峯收不盡。朝朝放艇過  
蹊頭。

遊虎跑泉

竹牀松澗淨無塵。僧老當知寺亦貧。飢鳥共分  
香積米。落花常足道人薪。碑頭字識開山偈。鑪  
裏灰寒護法神。汲取清泉三四盞。芽茶烹得與  
嘗新。

贈虞德園兄弟

霜庭五葉晚抽枝。喜得猶通一線兒。持戒每嘗  
無味水。閒情多賦落花詩。台宗賢教誰能識。何

肉周妻到底疑。若使相逢不吐胆。更於何處覓  
相知。

雨中過蘇

二年前事似前朝。記得朱顏箇裏銷。雨雨風風  
新震澤。車車馬馬舊虹橋。塵來不上雙行脚。病  
後猶存一捻腰。是我萬般辛苦地。如今閒話儘  
逍遙。

其二

無官有客尙留吳。難道陶潛不腐儒。魂亦尋花如蛺蝶。夢惟逐浪似鶉鴝。孤燈影瘦寒山寺。荒草流青夏駕湖。學道叅禪都未澈。一毛聊得比楊朱。

廣陵別景升小修

搔頭幾日見新絲。二月河橋上馬時。長短官街驚夢鼓。高低楊柳習腸枝。江烟一擔充行李。流水三叉各路歧。北地南天千萬里。青巾白帽幾

人知。

秋日同梅子馬方子公飲北安門

閒對枯槎與釣緡。暮雲斑駁似龍鱗。青山不許談新事。白鳥如曾狎故人。宮閣參差十里水。衣冠包裹一生塵。西門車馬東門月。冷熱從誰問假真。

伯修齋中

幾點秋毛染鬢斑。深衣長褐古銅銀。榻邊石骨

抽枯筭盆裏松根露淺山霜月洒來如白酒菊  
花老去變紅顏雞聲未動聽宮板已在車塵馬  
足間

齋中偶題

凍風吹落壁間塵温閣投花養瘦鱗出水情多  
長愛畫旃蘭氣少亦清人鑑壘側畔觀時變冠  
帶場中看偶新野語街談隨意取懶將文字擬  
先秦

閒居

藤帶絲袍強束身北風雖厲不吹塵軒窗盡日  
閒諸史眷屬經年斷五辛官牒注來呈府吏俸  
錢支得與門人牀頭一夜西湖語霜色蕭條上  
角巾

其二

空街羸馬有何榮寂寞繁華兩不成破懶始知  
經有味送眠微覺酒多情腮毛未老隨霜換肺

病無根見臘生收拾閒烟與閒水憑將筠管作  
干城

其三

幽房睡足簟紋紅香鴨灰寒喚小童絃裏亂流  
崩谷水瓶中微帶入松風身心何處謀長策鬢  
髮而今漸老翁淨榻如綿窗似洗明眸皓齒話  
虚空

其四

百衲層層煖蔽身道書觀了且存神懶心不慣  
思朝事法服無端裏野人芡葉箋中書小偈柘  
枝風裏拾陳薪江湖凍裂冰皮老霜郭時時有  
巨鱗

其五

空齋獨坐擁殘薪筆有枯芒研有鱗夢裏風窗  
聽似語山中烟樹念如人兒童也解談東事簫  
鼓何因動北隣竟日飛霾無却處一層吹了一

層塵

時倭議紛紛

其六

霜鶴啣冰且忍飢窮沙休憶稻梁肥  
低碁動欲求先著鈍鳥焉能不早飛  
身分無多難了事酸迂那得濟時機  
長安未有膠粘却日日開門放客歸

戊戌初度

卑官自覺與心安五畝無家去亦難  
氈榻所親唯老易儒衫相對幾孤寒  
香茶每供鄰僧去院樹時同小弟看  
雪色照簾花颭水濁尊聊復對空盤

其二

禪燈灑灑雪玻璃貝典將來戒小妻  
客裏羈情籠野鴿鄉中春夢闋山雞  
灰心竟日疎莊子彈舌清晨誦準提  
無限長林無限羽一枝那復計高低

其三  
閒居心似夾冰魚雪裏輪蹄亦自疎  
研酒和來香泛帖瓶花吹落溼沾書  
艱深乍覺詩如識消散方知道是虛  
一卷雜華誦未了被人邀得過  
僧廬

其四

清溪曲曲幾千松夢裏開門看鶴踪  
鄉計久要桃葉渡客程長念北高峯  
笙歌漸漸于人懶山

水時時覺話重六載牽羈成底事  
不如瀟灑學爲農

贈黃平倩編修

窗前獨種菴婆羅石火風燈不浪過  
箱帙夜繙塵牘少客衣春晒袖頭多  
毫端泚泚書巴水枕上巉巉夢小峩  
詩有餘師禪有友前希李白後東坡

十六夜和三弟

涼月如霜鑒薄帷空杯無計覓糟醅買鐙聊復  
歡兒女弄筆粗能遣歲時花火每攢騎馬客蠟  
光先照走橋姬少年樂事今無幾近老方知此  
興衰

和陸放翁初春遣興

疎散庸庸寄一官匡牀趺坐覺身安聊將古道  
酬賓客免把閒思累腎肝螢火幾時能脫腐醯  
雞無日得離酸東風已放西門柳凍水冰條亦

解歡

游高粱橋

花時晴色釀芳原出郭猶如出檻猿霧質風稍  
新柳縷皴皮瘦骨老藤根紅雲尾變知魚熱碧  
纈紋繁覺水溫耳聽碧流心翠嶺閒談恰已到  
山門

暮春同謝生汪生小修遊北城臨水諸寺  
至德勝橋水軒待月



東坡先生全集卷之十一  
十一  
一曲池臺半畹花。遠山如髻隔層紗。南人作客  
多親水。北地無春不苦沙。熟馬慣行溪柳路。山  
僧解點密雲茶。滿川澄月千條縷。踏踏蒼波過  
幾家。

其二

無才終是樂官閒。何地何貧不解顏。乍疊乍鋪  
風裏水。半酣半醒霧中山。御溝板落金鱗出。宮  
樹花翻乳燕還。淺綠疎黃是處有。泥人真自勝

姬鬟

和韻贈黃平倩

逍遙未必是無官。割累忘情夢也安。入室祇容  
金相好。伴身唯有鐵腸肝。蓬萊監裏真先輩。冠  
帶場中老細酸。一帙維摩三斗酒。孤燈寒雨亦  
歡歡。

卽事和韻

柳下何曾耐小官。青氈綠簡且偷安。空窗淨閣

銷塵眼時草新花養病肝廟市客來詢古字糧  
船僧至餉吳酸密函怪牒閒搜取鈔得仙方寄  
所歡

送顧升伯出使還吳

四月西山雨過時。簫吹闌道沸旌旗。痛憐知己  
他鄉別。懶作諸王奉使詩。繞驛青蘆呼水鶴。渡  
江白筴薦冰鱗。雕窗畫舸堂堂去。閒解花綳看  
小兒。

其二

青巒生色水生波。處處吳姬餉酒醪。震澤有山  
皆樹橘。虎坵無月不聽歌。潮田沒去春畦少。儂  
語訛時怪事多。近日押徵知不免。閭門風景看  
如何。

送夾山舅令太原

踏盡層巖見稔畬。烟巒雞犬若仙家。公亭客過  
開生釀。石室僧來判種花。竹下簿書閒草偈。山

中人吏學烹砂高槐影靜莎庭裏香散屏空放  
早衙

其二

閒將公事了尊壘郭外青山探幾迴從事也因  
流水出長官多爲踏花來印文長日封蒼蘚簿  
筭經年長蠹灰身是嘉祥舊令尹東西歷盡始  
知才

送黃貞父令進賢

撇却孤山舊葛巾暫時朱紫縛閒身高才正不  
須違俗七尺何妨也拜人花裏課書分小吏山  
中留偈謝高真直將數斗西湖水一洗南州案  
牘塵

邱長孺自塞上來

百錢買得梨花春洗却并州面上塵萬里質田  
無售主。一生知己是貧人扶搖不肯吹飛絮尺  
水如何縱巨鱗醉起彎弓猶一石清時羈縻老

麒麟

和江進之禠詠

山亭處處挈胡牀。不獨游忙睡亦忙。官况易消  
如暴水。癡兒難長似黃楊。巖花盛日求長假。石  
榻開時見古方。擲卻儒紳與巾子。添將冰水注  
茶湯。

其二

盆池清淺薄苔封。弱竹叢叢箇影重。殘帙有芸

猶被蠹空闕。無藥亦招蜂。西山鬱鬱綦綦氣。講  
閣朝朝暮暮鐘。箬葉數筐書五尺。芥茶新寄自  
吳儂。

其三

藤葉常懸四五葩。閒隨方罨過鄰家。西廂托疾  
東廂假。南寺聽經北寺茶。蝶老花闌如倦客。天  
清雲薄似飛紗。姬衫典盡瓶猶餒。學把緡錢托  
畫叉。

其四

六尺莎階九尺廬。玄毫白楮任生疎。花前屢泛  
擯愁酒。架上聊存引睡書。蘄竹細紋如浪滑。吳  
綃寒緯似雲舒。幽窗一枕騰騰去。煉佛求仙事  
總虛。

繁臺張昭甫給諫竹居王孫邀飲留別

白果青蔬勞遠程。高臺傾矣曲池平。沙田似雪  
耘枯塚。柿子如丹綴土城。古漬有無遺宋嶽。監

門應否識侯生。欲知別後愁多少。試檢霜毛添  
幾莖。

柳浪館

徧將藍瀋浸春顏。風柳鬢鬢九尺鬟。鶴過幾迴  
沉影去。僧來時復帶雲還。閒疏滯葉通鄰水。擬  
典荒居作小山。欲住維摩容得否。湖亭纔得兩  
三間。

其二

袁中郎先生集 卷一  
一春博得幾開顏欲買湖居先買閒鶴有累心  
猶被斥梅無高韻也遭刪鑿窗每欲當流水詠  
物長如畫遠山客霧屯烟青篋裏不知僧在那  
溪灣

雨中坐方平第旃檀館卽事

柏屏藤格徑森疎闌外蔬畦十畝餘坐客始聞  
烹水法高人時有乞花書瓶中熟結香尤老雨  
後山茶韻不如本欲死心無可死爛紅堆裏話

清虛

伯學齋中話舊感賦

相逢各自歎秋姿長憶春郊走馬時細竹也來  
成老節稚松何意見霜皮眼中幾度消寒水鬢  
腳公然長禿髭十五盛年看又過不知誰是蠟  
梅枝 時蠟梅盛開

別程彥之歸吳

無成何用出昭闕眼底濃華閱幾般陸品攜來

尋白水謝家將去入名山。緇寮乞作分桃懺。練  
恰羞歸擲果灣。七十二峯青朶朶。嵐光只在屋  
相間。

夢中得詩醒記中二聯足成之

散髮長吟穀水邊。吹烟唾月小遊仙。也知紫閣  
雙扉夢。不破青溪半枕眠。避客偶然拋竹屨。邀  
僧時一上花船。無心更着紅衫去。學得寒灰古  
木禪。

坐王章甫水明樓

巒光設色淺深間。萬瓦鱗鱗鑑碧灣。孤塔自來  
當沔口。高僧相過說廬山。常時杯底沈黃鶴。每  
就堂中乳白鷗。南北精藍青比比。蒲團纔得箇  
人間。

赤壁懷子瞻

夜深清拍嫋楊枝。驚起澄江白鷺鷥。過客爭澆  
赤壁酒。幾人曾和雪堂詩。山民自種元修菜。石

榻剛存乳母碑見欲鑄金範老子柳浪湖上拜

新詞

寒香

寒香冥冥上屏紗活火烹泉石碾茶溪翠柳烟  
爭壓疊雪條風幹互欹斜旋開麩社通蓮社痛  
飲南家又北家禪榻歸來清似洗醉看紅燄吐  
膏花

無念同余迎先伯修賦此爲別

瘦石如何比老顏纔留筋骨在人間一舟破衲  
慈明哭幾葉寒帆學士還病久思歸黃竹嶺衰  
來夢上戒壇山江西湖北頻來往學得心間似  
水閒

寄黃諭德平倩兼申玉泉之約

宦情擬上武牙灘世味真吞栗棘丸腕上千珠  
胡語熟秋來一影射堂寒面慈每覺違心易肌  
疥當思忍癢難楊木如菴茶似掌藍堆山色倩



袁中書先生全集卷之七  
誰看

初正偶題

慣懶無心更出關  
清時夢亦趨人間  
幾回寺裏尋花去  
獨自江頭看水還  
處世漸同栗子里  
全家擬住玉泉山  
千谿向碧何由見只是蒼枝也  
破顏

久不到沙市矣感賦

斑髮今來是老成  
緇衣聊復大堤行  
見僧每憶年多少  
觀水因悲物變更  
率爾扣門常悞姓  
偶然題壁不書名  
章臺寺裏曾遊處  
古棘叢篁遶地生

久雪忽晴喜而有作

殘花殘木總精神  
纔見寅年一日春  
柳態美如新  
櫛髮山容親似遠  
歸人間追老衲三餘輩  
更踏冰池五六巡  
江郭早須騎馬出  
旋呼稚子覓頭巾

示度門  
北平曾記寫疏時黃帕親封下赤墀三十四年  
薄宦客一千七衆講經師藍堆山續開皇詔仙  
掌茶抽穀雨旗鬼斧神工仍七日直教重勒玉  
泉碑

放言效白

掉頭誰擬作公卿只合林間樹下行臧是穀非  
憑耳過元輕白俗任詩成有身祇作他人看無  
事休將造物爭夜踏芒鞋深雪裏自呼東郭冷  
先生

其二

賢愚富貴且憑他山上髻鬟柳上娥鐵網試撈  
穿海月漁舟任截過頭波齊肩大士辭葷久禿  
髮中書感事多船上老郎江上女咿啞容易得  
成歌

其三

鸞靴爭說上場難  
衫袖郎當且自看  
世路兩平三仄嶺  
人情八折九迴灘  
胸中毛女霞千片  
石上王喬藥一丸  
夢去幾番登岳頂  
扶桑清水浴頰盤

其四

高人竊欲比無功  
閒把心情托去鴻  
易象有時輪瓦卜  
騷材兼不廢姪風  
謀生拙似啣冰鶴  
觸事剛如蝕木蟲  
莫放大鵬天上去  
恐遮白日駭

愚蒙

其五

抹却濃嵐作羽衫  
撫松終日坐枯巖  
盜悲老氏折衡斗  
馬謝莊生稅轡銜  
青鳳下來傳古字  
白雲飛去護仙緘  
芝田數畝那耕得  
收拾山中木柄欖

卷中見亡友王官谷姓字感賦

殘墨猶香落姓名  
孤缸清夜淚交橫  
公然黑髮

人將去畢竟青山約未成心事如冰見底裏交  
遊於我快平生柳浪湖上深更月料得詩魂近  
水行

其二

雲霞擬置別堂春其奈些兒露水身碧柳典來  
求古佛青鬢嫁去事高真一生書畫皆償債數  
畝琅玕也賣人湖石迤南梔子北哭君此地最  
傷神

苦雪戲作

十日不曾開木扉強風苦欲弄殘威辜他媚媚  
明明節只作團團絮絮飛琴客已聞將鶴煮詩  
翁又訴打花稀山人欲取畫中意故着紅衫戴  
笠歸

新買得畫舫將以爲菴因作舟居詩

擬將船舫作安居載月凭風信所如魚鳥教他  
爲侍史雲烟呼我作尚書居如老蠹身藏木行

似蝸牛首戴廬。下無卓錫上片瓦。致身今日在  
空虛。

其二

囊中隨意貯青蚨。歌吹雖喧不可無。隱逸也須  
添故事。江山真合點狂夫。隨身恰似天宮殿。寓  
目皆披水畫圖。甲子不須頌鳳曆。但看蓮發與  
蓮枯。

其三

五湖不是學玄真。且喜素衣不上塵。家移碧纈  
綾中住。身是屏風畫裏人。閒追船子咨行脚。老  
倩中峰作近鄰。一衲蒙頭萬事已。無懷民與葛  
天民。

其四

鷗鄰魚社作新知。纔唱楊枝又竹枝。風打白蘋  
來夏口。雨深斑竹過湘祠。不愁入目山無態。只  
怕磨心景要詩。喚作朱公些子似。當窗祇是欠

西施

其五

峯巒曲折水灣環時與遊僧作往還暫爲書碑  
來禹廟纔因買橘上包山心闔網密聊成嘆夢  
被雲牽偶不閒慎勿誇張竿水過惹他桑孔弄  
魚蠻未句見坡公魚蠻詩

其六

絲烟絲雨潤江湄又到花嬌鳥嫩時杜宇一身

皆口頰垂楊通體是腰肢閒觀水態思吳壁暗  
記方言證楚辭鴻鵠太文鳧太野就中潔白是  
銀鷺

其七

更無他物作遮闌但得心忘夢亦安渭水一竿  
猶有待嚴灘百尺也無端魚龍直作雞豚狎荇  
藻卻如蔓棘看莫把古人來比我同牀各夢不  
相干未句用陳同甫

其八  
舟居元不卽田功稍與農家節令同縱小也妨  
月額雨雖暄不用卯頭風纔聞攤稅征漁戶又  
說抽丁報老翁每被山民來借問今年湖北幾  
都豐

其九

全家相次入烟雲老鶴稚鷗共一羣便與青山  
堅作誓絕勞白水更移文澄江夜月連天泛古

澗寒聲徹歲聞欲把姓名通遠嶠函書先達武  
夷君

其十

聯將幽思托芳菲閒月閒花總息機青草蓋蹄  
黃犢喜白波點尾翠禽飛江籬不作牢騷詠神  
女全拋豔粉衣縱有志和難比我我能容得鱖  
魚肥

期蘇潛夫遊玉泉竟月不至及至而余復

以大人病瘡歸于其行也詩以訊之  
江程纜隔一牛鳴人事參差奈此行枉把青山  
來作夢孤他白石上題名花間廢巷查遺跡雪  
後崩崖戰水聲到日天台應寄訊講堂久矣待  
表生

花朝和坡公韻

絲絲新柳颺堤門早晚南村又北村風信煖寒  
觀樹色藥苗深淺記竿痕行來漸覺姑戎重靜

裏頻將姪火溫是物逢春皆作語子規未必是  
啼魂

是日新晴

一泓幽碧照籬門偶爲題名過遠村愁去東風  
消凍液喜來春草迸苔痕鶯花又作新晴看山  
水閒將舊譜溫東野浪仙誰在者苦吟清句當  
招魂

述舊西山下有門頭村多精藍



探春猶記出青門先問門頭第幾村近水只觀  
娥散影匝堤雅見酒淋浪花時乞假朝叅少醉  
後聯鞭笑語溫是日把杯人已往雛鶯新柳也  
傷魂

習池道中

深岩寂寂石花斑完却塵沙車馬顏是客競來  
嘗白水幾人休去伴青山雲泉到眼無多熱金  
紫蒙頭第一關三尺磨崖書大字人生到此是

清閒

七真洞贈道者

雲烟回合蔽仙關萬仞斜通一橘山事往已迷  
新甲子洞深忘却舊人間橘皮鶴下遺雛去萼  
綠花來採藥還白日餌將三五斗方瞳如水照  
丹顏

長生巖逢休糧道者

只將空榻伴嶙峋踏遍桃花澗底春一口也擯

爲長物。諸綠皆可作飛塵。施來白粲都飼鶴。種  
得黃精每寄人。留却石爐烟少許。深山遙夜禮  
高真。

秋日柳浪館雨中王以明劉繩之見過

西風索莫午烟遲。一萬垂楊裊裊絲。夢裏也隨  
僧入社。閒中多以頌爲詩。遊鱗翕處常分藻。情  
羽棲時不論枝。沙碧水清雲潏潏。禾花將綻藕  
花衰。

館中再用前字寄王以明

閒丹閒碧長秋思。水榭風軒分外宜。老衲寄書  
離岳久。田家留語赴齋遲。楓堤北枕西湖廟。灤  
水斜通濯足池。免使韓公嗤糞壤。園亭是處有  
新詩。

藕塘

藕塘風起散花鱗。踏徧溪橋不上塵。饑鶴偶來  
添半口。浮雲忽破現分身。每嫌蕉葉遮簾子。爲

觸番書置淨巾自起澆莎沃白石清閒賴是不  
如人

山居

山居只索任天真○無作無營自在身○青葉髻呼  
雛弟子○白蓮湖老惰耕人○偶逢上座學觀骨○免  
與東方難腐脣○一笑蒙城門下土○幾歸滄海幾  
飛塵○

九日偕諸弟及僧泛舟至和尚橋

蘆花風起雪平川○數畝荒洲倚廢蓮○小榜乍依  
沙子岸○鷺禽忽破水○條烟間移竹影○莓苔地坐  
愛溪文荇藻天○且與鷺鷗相伴着○平分僧月載  
歸船

玉泉寺

藍堆翠撲幾千年○銀浦何人也覆船○龍伯徙來  
方闢地○蠶叢綠此遂登天○紅霞抹額將軍拜○白  
石橫烟幼婦眠○閒與故人池上語○摘將仙掌試

清泉

哭夾山先生時先伯修歸窆

河陽三度放花春畢竟拋他鳧鳥身左手直教

持老子空閨斷不哭佳人苔深舊竈丹池冷先生

好服食胞發金臺白朶新淚眼一絲能幾許那堪

分酒兩家塵

余蔬食三年矣偶因口饑遂復動葷輒爾

有作用呈諸衲不獨解嘲兼亦志愧云爾

愛持空鉢嚼花寒白水青鹽也自安山色每呼

椽笠去月光只付橘皮看偶逢白社新開釀又

學山公倒着冠珍重晚年趙閱道畧將鮮脯問

蔬盤

柳浪初正

旋賒白髮號衰翁舊業今緣次第空山鳥乍聞

新格磔峽僧遙寄小玲瓏坐消纖雨輕陰日間

踏疎黃淺碧風收拾方橋與蘭漿待看紅萼慢

流中

舊太守徐濱岳觀察岳陽偶道做邑詩以

送之

江風灑灑綠條絲  
父老爭來拜戟支  
門外熊轡攀處子  
掌中貂虎弄嬰兒  
肝腸似月冰皆徹  
惠澤如春草不知  
一片酒香湖上石  
摩苔重寫洞庭碑

代送徐觀察

草臺春嫩碧芽肥  
又見陽和使者歸  
南紀霜崖留政蹟  
洞庭波月澹容輝  
弱蘿有寄千尋直  
狐鶚乘吹萬里飛  
三載少林門下士  
謬持空鉢乞傳衣

和萃芳館主人魯印山韻

乍雨乍烟作豔陽  
高齋幾度角杯觴  
偶逢竹冷溪幽處  
只覺山心水味長  
松下壓槽經月醉  
花間彈局一枰香  
主人恰似立真子  
細雨斜風載

滿航

其二

愛看幽鳥曝新陽每遇嘉陰卽倒觴盡日竹烟  
消酒去有時鶯語入簾長春塘雨過波紋亂花  
塢風回蝶翅香行到碧橋深柳處一帆涼月滿  
吳航

其三

蘿石森疎倚夕陽主人投轄客傳觴天高未覺

鵬營曠松老方知鶴夢長山雨山煙濃淡着溪  
紅溪碧淺深香醉來一覺雲門路藤枕桃笙泛  
越航

其四

幾回傍檻折迷陽流盡春槽曲水觴竹色淺分  
溪浪滑花枝斜照夜鬟長清言屢射當場覆豔  
語頻勾隔座香皂帽青鞋從此始敢將瓢笠附  
輕航

其五

幾番對酒惜頽陽聊爲飛英送一觴竹裏葵蔬  
尼客久山中甲乙倍人長仙畦屢溉新分藥道  
帔猶薰舊賜香上馬揖來無別語米家曾乞載  
書航

柳浪偕諸客偶題時午節將至

榴花歷歷爛青枝又到分絲剪艾時布穀語乾  
辭社老寒臯舌長畏童兒酒人每自欺新戶騷

客頻來競險詩花路柳關閑不啓免將肉面照  
清池

題澧州沈大夫加恩冊

碧水青崖戀主人呼他魚鳥作齊民山中不問  
栽蘭戶庭外長留駕鶴賓官舍有時惟洗石印  
牀無事只生塵渚宮巴國爭傳語看取天花翬  
錦新

謝魯印山惠舟兼荅來什

白鵠飛來油口濱。尺書跼得自修鱗。憑將貯月  
籠烟水。泛我輕雲冷石身。濯足且呼回道士。浣  
花先約杜詩人。鑑湖一曲幽如許。賀老終當作  
近鄰。

書尾以濟川見期非所望也。因述鄙懷以  
報。

巨川舟楫竟如何。不那湖湘烟水多。荇藻自然  
生遠沚。鳧鷖終是樂清波。環池匝木仲長統。細

雨斜風張志和。白日黃雞底相惱。玲瓏爭不爲  
君歌。

湖亭對月述懷同散木賦

竹氣荷烟冷不分。石泉汨汨夜深聞。每隨流去  
呼杯子。但覺風來掃樹紋。百畝池臺唯貯月。一  
家生事只依雲。廢菴枵木頻棲止。漸喜從鷗不  
亂羣。

中秋對月同散木作



百年看月幾迴盈那得中秋度度明縱使清光  
常滿滿若無勝地也平平朱欄碧樹垂千畝白  
水青霞過一生醒卽抱鎗眠卽枕腮毛漸漸有  
霜莖

偶成

自將白水照衰顏也合長林豐草間便欲易名  
辭故國只愁借姓與青山溪邊酌月傾高戶花  
下題詩嫁小蠻海錯一筐書半紙門生新自浙

東還

寄小修

鄉園是處有花芳不敵深山老萼香十載交遊  
填上國一朝文字榜都堂玉因別足多酬償砂  
到飛身始驗方社曲城南饒古寺休將名姓語  
支郎

山中舊齋

山禽漠漠墮霜翎戶外長搜老茯苓蒲柳根中

袁中書先生全集 卷七  
抽夏筍桃花枝上寄冬青竹蜂入壁垂千穴天  
棘縈絲滿一庭猶有數行殘粉字古槐西角舊  
傳經

答魯印山見賀新居之作

東亭故宅昔曾過旋着新花剪舊莎簾遠頗宜  
低度曲門寬兼得大張羅鳩巢喚婦真成拙  
屋隨身也覺多試問柳浪湖上柳幾回秋草幾  
春波

癸卯初度筵中示社友及兩弟

拋他銀綬去躬耕半踏鄉村午市城竹大許年  
成老友梅開是度作同庚但憑髭髮稱前輩轉  
覺聰明畏後生紫鳳檀槽香拍板聽來都肖水  
泉聲

集五弟春草堂

草堂紅碧盡離離輕熱輕寒正好時種藥且收  
曾效子修花惟去最低枝窗間番舌聽言鳥堤

外風鳶看小兒欲與少陵添故事入春新作海棠詩

浣溪莊落成同社中諸友賦

一灣澄碧一絲緡洗却平泉草木塵溪上唱歌隨孺子樓頭作客盡仙人鵲帶月移西瀼蛺蝶分花過北隣白石青山從此始不將簪帶惱居民

其二

溪光桃燄煖紛紛漸遠喧囂漸不聞堦下每流無械水窗間時有不歸雲糟壇屢建三章約花社新頒九錫文一曲垂楊十里板醉中偏倚石榴裙

賦得溪上落花

碧溪香重水鱗鱗飄雪回風舞最新欲止又飛如照影乍開忽亂似分身愁深孝女江頭月夢逐陳王枕裏人欲把遺芳付仙子任他楊柳六

街塵

余友黃鵠生與所暱相去二舍爲置符以  
召各藏其半題曰花信風社中雅其事作

詩詠之

割得銅符與小蠻。一回和着一開顏。香封字字  
花題驛。錦騎程程月作關。雲裏快呼王母使。雪  
中愁上藁砧山。劉郎謾恨仙途遠。流水桃源咫尺間。

其二

藥珠新節出仙官。使雨召雲也不難。油壁車中  
呼小小。善和坊裏取端端。江頭作押逢青鯉。花  
下移文付彩鸞。縱使黃河如帶水。雙筠依舊碧  
琅玕。

雨中集龔名世平遠樓

江干絲雨洗殘春。瘦朶濃條取次新。桐葉烟中  
遮去艇。麥苗風裏數行人。鐘彝屢辨商周識。絹

長中書先生全集卷一  
帖間翻晉宋塵碧草青畦煩指點尙書高壘卧  
麒麟樓近王襄簡墓

四弟旃檀館卽事

淙淙石脉溜春渠長日關門掃地居蓮葉漏中  
傾研汁木香花底讀方書叢筠傍屋多藏鳥小  
市通江易得魚洗墨焚香幽事了庭莎堦草任  
澆鋤

和散木韻

暖風吹雨漑花畦榮辱何勞問木雞窗下止容  
三畝月門前新着一丸泥功名且自輪諸弟家  
政都將付老妻碧水丹崖身自領黃柑斗酒伴  
鶯啼

其二

廢垣耘得作春畦幽客時來載黍雞蜀葛細裁  
三尺雪吳瓶遠餉一封泥全家過末封胡弟半  
百高柔菜子妻蔬水雖貧聊自解幸無飢苦使

兒啼

集子靜水明樓聽歌仍和散木韻

百畝春臺蓋碧畦玲瓏且莫唱黃雞青絲縷罽  
鴛紋水紅袖頻麾燕嘴泥峴石坡前山簡客天  
花場上淨名妻千枝萬朶黃家去聽取嬌鶯恰  
恰啼

散木方鰥誓不娶詩以嘲之仍用前韻

漢陰無侶灌蔬畦枯枕寒缸坐曉雞未許少湯

能沃雪也知狂絮不粘泥家鳧自伴龜蒙語野  
雉聊爲牧犢妻割袖分桃聽懺悔辟將黃葉止  
兒啼

偶成示衛道人用前韻

丹鑪成砌藥成畦枉把刀圭事犬雞料得此身  
雖暫毀辟如土偶乍漂泥寒山宛爾稱兄弟龐  
叟隨緣示女妻未轉枕來殘夢了晨光又動曉  
鴉啼

言中詩先生全集卷之七  
竹香  
溪雨拖烟溼幾叢空。堦十畝月玲瓏。但憑一抹  
高寒氣。洗盡千稍豔。粉風深院鶴醒人。去後孤  
雲僧老鼻觀中。松花柏子差相得。纔有微芬也  
不同。

其二

削盡穠華。是此君碧欄銀沼。醉氤氳。全憑出格  
幽微韻體。出無聲太古文。定裏只消風引月。夢  
來唯覺水依雲。襪材寫盡湖州派。清冷知他聞  
不聞。

喜小修至自燕

藍衫脫却乍歸鄉。心了無官也不妨。客過試開  
陳白釀。病餘聊服地黃湯。謾追舌底新朝事。且  
覓山中舊睡方。拚取大觥與長管。一齊闌入少  
年場。

碧鮮樓小集談養生

浮榮歷盡嘆膏花。曉起方知鬢有華。宏景道成  
矜白日，樂天老去事丹砂。聊開小閣延方士，拚  
取深閨鎖夜叉。雲外鬚眉烟外語，一瓶相對社  
前茶。

偶成

白頭學得一無成，倦卽拋書飽卽行。漸老始知  
窮本草，多閒方喜讀淵明。東家流水傾庄買，西  
角叢梢遶屋生。擬與樂天爲近舍，借他歌板佐

鶯聲

入德山舟中借寒灰冷雲雪照諸衲子及  
雲影居士月中有述

一帆斜月墮澄川，似有人呼鐵笛仙。老至青山  
爲眷屬，生來白社有因緣。幽探處處書成卷，淨  
侶年年載滿船。料得浮蹤無定止，住如竿影去  
如烟。

龍君御載酒過德山見訪一別十三年矣



感念存歿不覺悽然已復自笑舉觥相樂  
遂大醉

十年一瞥意蒼茫話到青山且盡觴  
免與泡漚愁起滅聊從烟水決行藏  
閒吹玉笛翻新曲醉倚天花入道場  
試去武陵谿上照頭毛白盡老蕭郎

德山簡劉憲使

碧渚蒼烟分外奇浪中丹雉影離離  
雲開絕壁趨庭吏溪盡春杯見戟枝  
暇日山暉多對語清時苗部也傳詩  
南陽子驥今誰是正好從君覓路歧

其二

龍潭秋水碧鱗鱗好向桃源去問津  
雲裏高牙如洞府花間生齒類仙人  
嗟他善卷非同世記取金剛是故鄰  
爲語殿西三桂子青蓮今已悟前身

別龍君超君御兄弟

青鞋不破武陵春歸去西風一面塵荷葉山頭  
聞杜宇余村居名荷葉山桃花源上別秦人深  
村稻熟泉當戶廢苑茶香寺作鄰可是無花無  
地主祇緣無計得分身

託龍君超爲覓仙源隱居詩以寄之

雲石村中且卜廬憑君爲買一峯餘全栽芝菊  
爲疆界盡寫雲嵐人券書門對仙童澆藥地巷

通毛女浣花渠閒中每愛天台去好與劉晨閒  
屋居

簣管谷七夕露坐

山亭漠漠冷秋烟只在懸藤古石邊眼裏何曾  
離好竹耳中恰似有鳴泉稍開僻徑通斜月坐  
看明河憶去年巴水正長天正濶綠楊門外有  
酤船

送唐堯肩北上

袁中書先生全集 卷七  
蒼顏白髮竟何成醉裏酣歌指帝京喜與中郎  
分姓字羞從桃簡覓公卿健鷹每欲辭鞴去俊  
馬唯須帶骨行君過酒人罍上看荆高到底氣  
如生

送羅服卿還夷陵兼柬陶孝若年兄

缸花吐盡醪杯重惜別綿綿話曉鐘雙髻奚奴  
肩繡裒一鞭驄馬出芙蓉但知作敘干皇甫未  
覺籠鬚笑士龍寄語歐公門下士青鞋將過紫

芝峯

閏九月菊

殘黃疎白也堪憐舞向先生屋角邊一與清閒  
爲伴侶幾番瀟散歷風烟霜林已是呼先輩秋  
蝶無因識暮年拚取家醪三百盞葛巾狼藉枕  
花眠

過田我在鶴墅

小窗低檻綠氤氳門外車騎了不聞五畝池臺

三畝宅一停花竹兩停雲蠻姬借引罇前笑濁  
酒催舒面上紋爲語窮顛王老子幾人開口得  
如君

初冬夜同郝公珍龔散木閒談

雲樹蕭然丈石居清鼎遙夜薦霜蔬佳言屢似  
飛香屑往事真如繹故書窗外影閒雙睡鶴燈  
前手冷一編魚寒花瘦竹差相得白首承明夢  
亦疎

郡人來言楚事久未得旨感賦

皂囊飛羽掣風馳不道天關叫亦遲漢法自應  
裁大尾淮南何意袖金鉞黃蒿野望千家哭白  
髮心傷一路危王業艱辛二百載漫將九鼎綴  
輕絲

其二

塵頭飛騎竟茫然望盡雲棱口角邊稅使逐來  
纔兩載楚人機動已三年從知鹿死非陰地轉

恐鳥橫欲暮天國體藩規俱莫論老臣塗血也  
堪憐

月下過小修淨綠堂試吳客所餉松蘿茶  
碧芽拈試火前新洗却詩腸數斗塵江水又逢  
真陸羽吳瓶重瀉舊翁春和雲題去連筐葉與  
月同來醉道人竹影一堂修碧冷乳花浮動雪  
鱗鱗

甲辰初度

偶然臨水見蒼顏且喜安身紫翠間老去無心  
防白髮衆中開口問青山文書狼藉恣情看賓  
客逢迎學語閒三十七年恒河眼試觀那似舊  
潺湲

其二

閒花閒石伴疎慵鏡掃湖光屋幾重勸我爲官  
知未穩便令遺世亦難從樂天可學無楊柳元  
亮差同有菊松一盞春芽融雪水坐聽遊衲數

青峯

其三

弟兄相對黑盈顛便是逍遙地上仙  
瀟碧堂中雲委地柳浪湖上雪翻天  
長縵古褶緇黃隊皓齒修眉水石邊  
不道爲官無一可爲官無此日高眠

其四

溪流疊疊遶山扉手植檉楊許大圍  
夢裏不思龍尾道閒中聊葺鹿皮衣  
要圖麩葉千回醉且作槍榆數步飛  
濯足亭中人姓呂踏花時過釣漁磯

五弟生日同諸公集春草堂得文字

寒月高齋子鶴聞竹烟梅雪冷紛紛  
偶然筆落珠成字悞被人呼鳳作羣  
萬石厠踰香史冊八荀杯杓走天文  
眼中鬢鬣聯翩去任我南山北嶺雲

又次三弟韻  
文藻於今更老成風流人識小馮名胸中早有  
吞牛氣卷上時聞擲地聲五字詩催筠管亂一  
簾香散酒籌橫他時得第煩天語幸免鞭笞及  
老兄

立春日偶題

秋來喜遇雙重九歲裏重逢兩立春重疊也知  
天好事流連無過老閒人山茶吐暈紅侵肉窻

酒吹香白到脣水榭一區微料理湖光趁取玻  
瓈新

梅花

空階綠淨影疎斜戲把清枝壓鬢華老去已無  
兒女態春來猶愛典刑花蒼雲白石長相對明  
月寒塘自作家擯去鑪香與尊酒幅巾聊試武  
夷茶

其二

瘦枝逸格總天真不屬東風旖旎塵尙有蠟梅  
爲佞倖可無修竹作同人花前乍許孫登嘯座  
上唯容靖節巾國豔名葩世豈少祗綠無此秀  
丰神

乙巳元日

湖柳侵街水接門東風纈纈澹微溫久乘下澤  
無官韻乍着紅衫有摺痕皓首頽頽俱入市碧  
芽新鳥又成村歸來且坐梅花下倒却鶯黃四

五樽

寄黃平倩庶子

任他吹霧唾青天割水求脂也可憐謗篋祗堪  
助道品羞囊休問買山錢金華直冷披霜入瑞  
草談深枕麩眠一靜一忙閒比較試思誰是地  
行仙

其二

百年身世付疎頑只在溪花浪柳間已分髮毛



捐白足但憑牙頰佞青山夢回巴國雲千里書  
到峩眉翠幾灣龍不隱鱗真可恥漢陰甕裏省  
機關

寄會長石太史

天祿歸來具道裝高齋八九瞰瀟湘花前白恰  
新雲氣枕底青山舊日光竹影侵溪朝洗研柳  
梢披雨夜焚香故應禪味如鹽水宿世曾爲青  
草堂

春分忽大雪同小修賦

湖光搖碧柳拖黃青帝如何尙縞裝似與天桃  
添粉澤聊同飛絮鬪輕揚斜穿霧縷霑鶯溼亂  
捲風鬚誑蝶忙擬寫爛蕉深雪裏怕人悞作輞  
川莊

乍晴述懷

竹裏新晞喚羽雛幽人情絮遶江湖偶因訪藥  
借緇侶久不吟花長白鬚社日雞豚謹北里醉

關筍錯夢東吳春來背癢誰搔得方外閒尋狡  
獍姑

長石過訪共宿二聖禪林次日至柳浪遂  
有三峽之約

寒潭冰月澹鬚眉話到鐘沉唄冷時綠水攜來  
尋和者白雲收去贈相知閉枕碧柳新莎地認  
取長林倦鳥枝謝客已堅雙屐齒峽猿巫雨任  
追隨

陶不退以容城諭丁內艱歸滇中至敝邑  
殤其令子遂瘞焉於其行也詩以送之

麻衫如葦別芹宮那復哀殤客路中幸免西河  
夫子慟稍存羸博古人風腮毛換去三停白柏  
葉歸來十度紅富貴幾何愁苦劇令人翹首眄  
飛鴻

其二

十年塵土敝衣裳瞥見昆池舊景光無佛稱尊

雞足老與天孰大夜郎王蠻娘乍隱溪花笑番  
客遙懷瘴草香秘藥如山砂似鏃試探何處有  
仙方

送君超兄還武陵

碧江波疊曉霜肥換盡生蕉細縷衣榴火爛時  
諸彥集蠟梅香裏一騎歸槽壇博社輕揚入鶴  
侶鷗羣自在飛枉渚陽山憑寄語道人魂夢久  
相依

其二

山水心情謝永嘉斷溝殘石漸盈車高齋是處  
鴉棲墨娃閣頻分燕作家袖裏新書驚惠子卷  
中逸事困張華烏藤白恰仙仙去知入桃源幾  
樹花

龍堂招提觀影戲精緻妙解前此未有汪  
師中龍君超皆有作

筵前百戲總逡巡角底魚龍且讓新逆往順來

吳道子乍非忽是李夫人宮城隱約瑤璃國冠  
帶飄颻翹翹身水沫乾坤成壤等空中風籥火  
中輪

其二

華燈膏燭月玲瓏聖手當場欲繪空出像楚騷  
兼爾雅返魂班巧與斤風絲規縷析塵三昧萬  
臂千頭小六通喚醒人間石火夢無情悲喜片  
時中

其三

造物聊憑意匠成縱無筋骨有神情木人自覺  
機關少粉本輸他笑語生世界總依陽燄海隣  
封如近闔婆城南詢童子叅何晚烟水風光第  
一程

謝于楚陶孝若見訪柳浪得風字

交游南北總成翁忽地相逢柳浪中細雨小添  
澆藥水落花時逐渡溪風長堤雲卷千絲碧高

閣霞舒十里紅七載東臯唯頌酒知君猶念老  
無功

謝于楚由川入楚將東歸歛復北上有姬  
在燕也

蹄輪汨汨幾曾閒鬢髮蕭騷塵滿顏卷裏攜來  
三峽水夢中吟去九華山一江春月浮輕舸萬  
樹濃花念小鬟世態飽經鹹苦盡爭如歸臥酒  
罍間

雁字

幾回聯絡幾回分整整斜斜自作羣龍女波中  
呈樣帖天孫機上出迴文長戈偶散平沙月春  
蚓時盤塞北雲翔鵠驚鴻徒有語家雞那得健  
如君

其二

長鋒短折布空輪筆勢蕭疎絕點塵萬轉豈能  
無別意千行何事只書人青腰玉女霜前牘大

蘇中書先生全集 卷七  
翻先生化後身浙水巴江從此去漫將老健敵  
清新

其三

常時風卷復霞舒萬翥勻勻點點疎雲裏豈煩  
蒼頡氏空中誰讀典墳書鶯溪展去綃千丈榆  
塞回時載幾車毛穎禿來今在否月天試問老  
蟾蜍

其四

絹素無功法不傳幾將封事達天邊青山卓似  
含鋒筆碧霧濃如滲紙烟體勢已超鸞翥上契  
書知在烏官前明霞淡月疎疎見染取成都十  
樣箋

其五

瘦畫娟娟半欲畷分如釵股絡如絲千行寫盡  
黃姑練一字題成碧落碑南浦逆風文破碎西  
江披雨墨淋漓斜騫蔓引黃沙去譜出胡笳出

塞詩

其六

篆烟劃月過瀟湘流麗森疎綴幾行禪客辨來  
知半滿儒生記去識邊傍回波影出雙鉤榻暮  
雨催成急就章鳳鳥不來河洛隱年年編錄爲  
誰忙

其七

秋風漠漠散毫端謾道迷烟逗浦難緝去雲棧

如界墨密來星點似鉛丹纔從夢筆驛前過又  
向造書臺上看入夜幾聲嘹唳去梧桐枝上一  
鉤寒

其八

輕飄亂洒入纖濃掛角羚羊那有蹤鴉點紛紜  
呈惡札鷹蟠險怒出狂鋒征圖每暗蓬婆雪退  
墨虛留石廩峯我亦頻年有蠹癖扶搖猶可一  
相從

其九  
一行行起布青天只在明沙遠水邊孤點乍隨  
如帶墨數羣中斷似殘箋鶯簧借與填新曲鳳  
史煩爲記往年莫道書成無雪燄江南洲渚有  
秦烟

其十

儒生習氣總難除萬轉千番楮墨餘入地也應  
爲帶草化蟲依舊作蟬魚江南塞北難移性兒  
弟妻孥總解書一掃人間狂蹟去研光千尺展  
空虛

送王以明先生赴南都試

把酒新聽百舌鳴蒼烟盡處看君行梨花雨漲  
春流疾柳絮風香畫漿輕寶劍危冠真國士高  
牙大纛盡門生秋來怒翻天池老不怕垂天化  
不成

曾退如雷何思過柳浪湖時退如初度有



詩見示次韻答之

醉裏烏藤手自扶閒隨鷗鷺過澄湖一江浩雪  
浮箕舌千畝深篁露頂顛且與青娥刪白髮休  
將五嶽換三孤烟巒好在逍遙侶慚愧虛名老  
顧厨虞翻謂公安地形如箕舌

和退如舟中韻退如訪道回家有新姬併  
以爲嘲

霞光猶繞芰荷衣紅袖前迎遠客歸立鬢返來  
猶可辨丹砂健後却疑非三山誓許鸞臺入一  
鶴終隨弄玉飛雲作風神花作語看君戰勝幾  
多肥

初夏同惟學惟長舅尊遊二聖禪林檢藏  
有述

一尊高閣許從容眺盡南湖與北峯青葉黃衣  
餘碣在玉函珠匣總塵封空江隱隱流清梵別  
壁沉沉起暮鐘昏黑談經人不去知君學佛意

袁中書先生全集 卷七  
初濃

其二

丈六空傳草一莖蓮臺肅肅古先生夜深虛閣  
聽龍語世遠枯松讚佛名蒲榻叅來知行淺稻  
畦裁就覺身輕等閒法法都如夢眼底何勞覓  
化城

其三

禪關避客晝常扃竹樹陰森可一庭野雀半街

天女粉梁塵漸汚佛頭青六時僧禮蓮花漏三  
教人翻貝葉經衣下有珠君識否寤來如欲睹  
明星

其四

蒼枝矯矯欲盤空高閣泠泠受遠風怪石枯藤  
隨意古砌花畦草自然工六朝遺事殘鐘外千  
佛生涯曉籟中我亦冥心求聖果十年夢落虎  
溪東

萬二酉老師有垂老之疾感而賦此萬里  
中老儒余家父子兄弟祖孫皆從之遊其  
人可知

白首爲儒未厭貧布袍落落做風塵百年偃蹇  
窮途事一榻艱難老病人楚客由來衰鳳鳥漢  
郊何日狩麒麟勸君恁學無生忍猶有金剛不  
壞身

其二

青袍橫着世途欺百歲蕭條只故籬吾道春秋  
生死在世情天地古今疑五男差得如陶令一  
女何曾有蔡姬楚士從來多寂寞爲君揮袖淚  
成絲

傷周生

溪頭曾見浣春紗珠箔於今天一涯紫陌重邀  
千寶騎青樓無復七香車夫人南國空湘水處  
子東鄰是宋家記得西廊香閣裏瓶花長插一

枝斜

送鄒金吾遊白下時寓武昌

將軍此日驅征輪。楓葉蕭蕭漢水濱。我已銷魂千里外。那堪重別故鄉人。西風馬度離亭柳。落日衣吹客舍塵。莫向勞勞亭上望。秋江容易得沾巾。

飲彭山人

疎竹蕭蕭晝掩扉。一樽潦倒世情微。三湘踪跡枯藤杖。二岳烟霞老布衣。夜雨階心桐子滴。秋齋簷面菊花飛。卻憐太史周南滯。鄉國淒涼久未歸。

寄贈

莫向南枝問舊棲。花開如笑復如啼。空憐夜月。万環夢猶記。東風桃李蹊。遊子贈無青玉案。佳人歌有白銅鞮。殷勤爲念章臺草。幾度春郊散馬蹄。

偶成  
誰是乾坤獨往來，浪隨歡喜浪悲哀。世情到口  
居然俗，狂語何人不了猜。彭澤去官非爲酒，漆  
園曳尾豈無才。百年倏忽如彈指，昨見庭花爛  
熳開。

卽事

箇是春江舊舞樓，海棠花下小梁州。柳因有絮  
絲還在，蓮到無心苦始休。浪子燒燈齊射覆，美

人越席與藏鉤。東風何意催桃李，多少西郊南  
陌頭。

辛卯元日

滿城佳氣鬱玄霄，海日如規上海潮。率土再新  
宏治朔，百年三倍穆宗朝。柳含初綠風前舞，梅  
帶殘香雪裏飄。笑我疎愚非董子，太平猶頌不  
鳴條。

感王鬚庚

翩翩衣馬興何殊醉擁陽昌舊酒壚傲骨終然  
遭白眼窮途無計覓青蚨牀頭氣沮金平脫袖  
裏顏催玉唾壺安得再逢龍準叟爲君輟洗溺  
諸儒

贈李子髯

一尊相看意蒼茫布置鬚眉到爾長作字喜臨  
王氏帖箋經常駁宋儒章衡茅坐接高人笑僮  
僕都無俗子腸傲緜南冠還楚楚男兒那復困

詞場

送莊冲虚使粵

青郊垂柳綠依依一片仙帆帶月飛蠻曲聽來  
醒暮酒瘴烟行處溼征衣荔濱草送王孫遠梅  
嶺花逢漢使稀總爲浮名淹此地江南江北看  
君歸

江上送別

颯颯征鴻帶雨飛孤帆無計駐斜暉西風蘭杜

香流水落日雲霞浣客衣。野店無人花自發。秋江有路夢先歸。年來贈別傷同調。郢曲如君和者稀。

龔惟長侍御舅初度

青春花鳥共爲歌。兩歲山居長薜蘿。疆仕古人元不忝。知非蘧伯定如何。百年日月徒婚嫁。萬里雲霄有網羅。荏苒風塵能得幾。人生七十總無多。

贈散木和小修韻

逢君今日又春殘。對我高歌來日難。一字懶操鸚鵡賦。十年空戴沐猴冠。愁來斗酒且爲樂。淚到窮途未可乾。寂寞雙田烟水裏。何人道有子陵竿。

其二

腐儒偃蹇鬢毛殘。三十身閒衆所難。向客不題俗姓字。避人真著古衣冠。寶刀入屋心猶俠。老

馬憐途淚未乾學道莫須占影草只應行出盡  
頭竿

別閩人王生

青草紅亭萬里塵送君那得不沾巾孤峯過雨  
梅花碧野店逢秋荔子新江鶴嶺猿頻弔客澧  
蘭湘芷總關人武夷山上仙蹤在何日尋真共  
卜鄰

感事

湘山晴色遠微微盡日江頭獨醉歸不見兩關  
傳露布尚聞一殿未垂衣邊籌自古無中下朝  
論於今有是非日暮平沙秋草亂一雙白鳥避  
人飛

歸來

歸來兄弟對門居石浦河邊兩結廬可比維摩  
方丈地不妨揚子一牀書蔬園有處皆添甲花  
雨無多亦溜渠野服科頭常聚首阮家禮法向



來疎

哭兆孺

高城秋笛夜微微  
滿目西風捲素幃  
四海有心隨短杖  
三湘無處覓荷衣  
劍空孤匣聽龍泣  
客弔寒山有鶴歸  
今日哭君騷雅盡  
東南泉石少光輝

其二

黃蘗別去路漫漫  
澤國空餘九畹蘭  
白骨千年

知己在元言  
湖海和人難  
秋江寂寞龍孫死  
夜壑蕭條鬼火寒  
痛殺君山笛裏月  
可同僊子一凭欄

寒食飲二聖寺

東風隨處有亭臺  
寺古無僧花也開  
一百五日逢寒食  
三十二相禮如來  
珠池寶地都成劫  
漢隴秦封且舉杯  
石火電光只如此  
白楊何事起愁哀

送焦弱侯老師使梁因之楚訪李宏甫先

生

丹書早發鳳凰樓。楊柳青陰滿陌頭。征馬晚嘶  
梁苑月。孤帆晴指洞庭秋。蓮開白社來陶令。瓜  
熟青門謁故侯。自笑兩家爲弟子。空於湖海望  
僊舟。

郊外送客卽席

渭河水煖綠瀾生。聽鳥看山也自清。寶馬驕嘶

塵百丈朱帆高捲日。千程飛杯客子紛無數。度  
曲兒童浪有情人物。喧闐烟樹裏桃花如錦爛。  
春城

郊外水亭小集

山自蕭森澗自寒。却憐勝地在長安。桐陰恰好  
當窗覆。柳色終宜近水看。已倦呼兒猶問酒。不  
情逢客強加冠。湘江亦有幽居處。多少芙蓉憶  
釣竿。

其二  
幽篁戛戛坐來清  
懶慢都無對客情  
戲水鷗雛分浪出  
趨巢鳥母曳枝行  
堂前羯鼓人三爵  
花下彈碁鳥一聲  
紅藥青軒如夢裏  
幾年塵傍馬頭生

其三

清歌嫋嫋兩妖童  
尼酒題詩興轉工  
拾翠女來虛檻外  
分蔬人立小畦中  
落花撲面都如雪  
密

樹宜亭不礙風  
怪得夜來鄉夢好  
穿雲直入武陵東

送南粵使

青楊如縷冑斜暉  
霍霍班騅出帝畿  
蠻府官迎聽鳥語  
瘴鄉人去着氊衣  
枕椰葉密偏宜坐  
鸚鵡雛嬌不耐飛  
百粵山川題欲徧  
素馨花老陸郎歸

別李年兄

袁已酉先生集 卷十  
經年何事遠庭闈走馬彈冠意總非白髮自難  
千里別青山豈爲一身歸羅浮雀下迎仙舫錦  
石花疎間綵衣我亦思家去未得因君魂傍故  
園扉

上巳日柬惟長

江城春色暖平蕪若箇青陽不酒罈尙有好花  
能覆席忍令嬌鳥怨提壺醉來金谷罰多少興  
到蘭亭敘有無自信胸中磊塊甚開尊恨不瀉

江湖

懷龍湖

漢陽江雨昔曾過歲月驚心感逝波老子本將  
龍作性楚人元以鳳爲歌朱絃獨操誰能識白  
頸成羣爾奈何矯首雲霄時一望別山長是鬱  
嗟哦

將發黃時同舟爲王以明先生龔散木家  
伯修小修俱同訪龍湖者

江草青青江水流。荆州何日到黃州。鄭莊有客  
堪馳驛。郭泰如仙好附舟。此去山川俱作態。一  
時象緯合生愁。龜峯數點蒼烟裏。料得伊人已  
白頭。

阻雨

雲霄極目古亭州。江上淒其感昔遊。天下文章  
憐爾老。瀟湘風雨動人愁。雲眠楚國黃泥坂。潮  
打巴陵青雀舟。敢向乾坤尋勝覽。祇因李耳在

西周

贈嘉魚李太清

看君如欲老巖阿。矯首青霄路若何。近日彈章  
中。貴少一時謫籍楚。人多山嵐會意。還生色湖  
水。無心也自波天語。丁寧猶記爾年來。或恐滯  
漁蓑。

龍潭

孤舟千里訪瞿曇。踪跡深潛古石潭。天下豈容

知己二百年真上洞山三雲埋龜嶺平如障水  
落龍宮湛似藍愛得芝佛好眉宇六時僧衆禮  
和南

惠泉見黃平倩大書作字時余同在玉泉  
今五年矣

金龍池上作書時牙管如飛我亦隨花底披綃  
雲激灑橋邊濡髮水淋漓閒中偶和天台偈茶  
罷曾尋李白詩何日青山偕舊侶夜窗聽雨界

烏絲

宣城飲王舍人家留別

柏葉如丹鄆水濱芙蓉花裏駐蹄輪尊前齊贊  
能詠語甕裏杜康苦泥人白日共驚頭上雪青  
衣爭掃鬢間塵雞聲喔喔催行李到底輸君自  
在身邑有淳于髡杜康墓

送君御憲僉治兵甘州

秋盡天山道幾盤蕭蕭韎韐塞霜寒材官似雪

分行出胡女如花隘路看白鼻騮前回舞袖青  
油幕底拜呼韓知君解得從軍樂不畏沙場行  
路難

其二

歷盡邊霜與塞雲舊題名處墨氤氳要將麟鳳  
誇殊俗也使侏僂識古文漢世才人求屬國晉  
家詞客帶將軍腐儒半尺毛錐子大纛高牙得  
似君

其三

十萬貔貅擁火旗角巾紈扇坐麾時閨中莫道  
腰圍減塞上難辭鬢髮絲鞞鼓靜來朝散帙罷  
觥遮處夜聞棋邊人慣唱伊涼曲好譜新詞與  
雪兒

其四

寶劍犀弓大羽囊軍中聊作健兒裝一函雲卷  
天驕檄十里風吹侍史香朗月澄江真快士修

鬢白面舊仙郎也知陶侃無高韻謝卻樗蒲與  
老莊

壽雷元亮母太宜人

樹樹新鶯啼曉暉春風南國笋初肥花前白髮  
光垂地天上紅雲繡遶衣孺子榻香芝數本麻  
姑山近柏千圍使君自是烟鳧侶趣取青溪老  
鶴飛

惠安園亭看芍藥

僊葩亦自喜樓居嫩紫妖紅總不如灑灑瀨水翻  
晴雪後。兜羅雲沒曉峯初。誇多屢向交遊述遞  
遠頻登好事書是我眼慳嘆未有主人元只比  
葵疏

湯嘉賓邀同顧升伯李長卿唐君平遊草

橋別墅

郊居絕勝午橋莊南客行來眼亦忙馬上乍逢  
蒲葦地夢中移入水烟鄉疎林透戶涼風出翠



葉平池急雨香危石幽篁相對冷一庭清影話

瀟湘

五月十二日退如生辰蒙以詩見示聊述

二章奉報

關侯以次日生又五月十三日

菖蒲弄碧柳垂軒過雨閒看蛺蝶翻喜與老髯  
爭一日好同醉竹倒千樽身依紫省黃樞地夢  
遶青菱白藕村門下校書真女史吳綃親寫佛  
前旛

退如有燕姬工書

其二

睡闌日影度疏寮廿載 君王罷早朝安石榴  
開紅照地御河水釀綠平橋花前曉珮聞燕語  
醉後春雲夢楚腰近日蒙莊通大旨閒燒藜火  
注逍遙

和退如初度與客談仙次韻

竹樹森疎翠遶身與君連日坐花茵樂邦有宅  
慙為主僊路無程醉是因正好同看雙舞袖何

須高着九陽巾直消數幅梅花紙便作華胥世上民

送曹遠生進士左遷宜川典史

百疊青山亦起瀾虛空讚毀豈相干幸逢梅福稱先輩卻喚陶潛作長官溪雨松風聊簿領雲心石面且衣冠何妨蓋屋來仙尉便作集賢校理看

與元定孝若同話讎用扇頭韻

墻東何意獨違時峻坂飛馳夢亦危青草渡頭多少浪白雲高處有無歧間思短櫂歌漁父靜抱幽絃問子期且與提攜山上去不須瓶恥始揚卮

秋日苦雨和退如太史

積雨如山卧不知閉門猶自寫秋詩高齋束篋安文几侍女乘橈過酒卮麓處也應無燥地巢棲未見有安枝題書爲慰東鄰子夢裏分明擁

蔡姬

其二 時七夕先一日

霆轟電射不終朝何事陰淫怒不消樓上女兒  
齊浣屨宮中銅狄盡浮腰漢官着笠趨龍尾河  
鼓張油度鵲橋大道狹斜俱眼底那堪十戶九  
蕭條

其三

河漕西下沸如湯驟雨那知觸禁墻金馬門前

泥沒象銅駝陌上水平坊千家燈火然陰壑五  
夜哀呼徹未央縛竹爲籓通市口大都風景似  
南方

其四

家家釜裏看游魚壁落都空那可居遠覓瓜梨  
分孺子共租樓閣展圖書哭聲斷處惟空巷客  
夢還時想故廬憶昨柳浪亭上水湖光千頃蕩  
芙蓉

七夕同方子公蔣子厚弟小修避水長孺

樓居

悔逐緇塵帝里遊  
除君何處可消愁  
蚍蜉失土先謀芥  
野鶴移家亦傍鷗  
稍質衣衫充酒品  
盡搬香茗在書樓  
簾開忽見新晴月  
又到黃姑織女愁

爲耿華平題先公册先公居江陵時以繡衣直指錄囚不及格被謫

手操丹筆淚沾巾  
活却梧丘幾許人  
韓朗大名爭日月  
贊皇遺怨竟灰塵  
家貧自許門容駟  
國瑞方知種有麟  
試看成蹊桃與李  
寧同枳棘一班春

劉元定齋中別諸社友時余有內人之戚一竿直出帝城烟馬首飛塵僅一年倦鳥早辭燕樹雪閒花又上武谿船伯鸞未得偕妻隱和靖終當傍鶴眠白盡頭顱應不返青溪山下有

鳴泉

早春過葵園次蘇潛夫壁間韻余往過此  
八年矣

高齋只在郭門間。世外佳人共往還。老去心情  
渾念水。重來竹樹已連山。幽花近煖爭先發。好  
鳥逢春盡不閒。別後新功何所驗。臨谿且照舊  
容顏。

登晴川閣望武昌

霜崖突出蘚紋斑。鐵笛臨風去不還。百里帆檣  
千里水。一層城郭幾層山。遙知鬱鬱葱葱地。只  
在熙熙攘攘間。沙鳥窺魚鷗覓渚。試看何物是  
清閒。

夏日馮明甫郡公招遊謝公岩同顧朗哉  
處士于野宗侯劇飲分韻得千字

刻秀堆嵐歲幾千。而今始落酒卮邊。洞中歌板  
疑雲出。石上觥籌似水傳。山簡韻高無政事。羊

公才大小詩篇兒童拍手攔街語老守風流勝  
昔賢

卽席用韻贈于野宗侯

買却青山一段烟甕中光景任流連但同習郁

酣池水不向君王乞酒泉

于野酒戶不減汝陽

細帙未離

繩几上白雲只在枕函邊碧幢羽客閒來往日  
課靈文字五千

又贈朗哉仍用前韻

回首春明話昔年因君忘却路三千銅鞮陌上  
穿花出峴首碑前枕石眠醉後書顛如長史老  
來詩淡類斜川楚人調澁無佳韻好譜離騷入  
管絃

七夕招黃道元邱長孺陶孝若張伯實王  
遺狂十第平子飲小齋得衫字道元先以  
詩來率爾奉答道元永嘉人余時以儀曹  
改司封

披門清露滴松杉暮直歸來口尚緘斜月乍臨  
移酒盞涼風忽起換蕉衫桐江我記從前路雁  
宕君居第幾岩官舍未容投轄飲誤將塵土換  
冰銜

中元日夜歸卽事仍用前韻

葛巾脫去鬢如杉又草朝賢牘幾緘竹裏乍香  
新茗椀榻間猶藉舊荷衫空窗月色霜流地半  
夜桐聲水繞岩天駟豈能容野馬身無羈縶口

無銜

暮春偕同署諸君子飲郭外

滑滑春流瀉縠紋嵐光映照石榴裙今朝止許  
談風月何日相從問水雲細雨乍收山鳥喜亂  
畦行盡草花薰海棠枝底烏紗側未覺飛觥到  
十分

暮春遊韋氏莊憶十二年前先伯修暨顧  
升伯李長卿偕遊此地今伯修去世八年

顧李二兄新以言去古人云未免有情誰  
能遣此潜然久之

猶記天街白鼻駒出門長是踏飛沙幾年夜雨  
慈恩寺十度春風柰子花石火蒼茫思駐景灘  
流清淺夢移家東鄰法道衰如許不見栽蓮謝  
永嘉

壽畢侍御兩尊人

花外紅綃白雪垂豸袍如火映春卮臯橋祗有

齊眉伴彭澤惟聞曆齒兒玉樹種成千畝實鸚  
雛棲遍萬年枝黃山石上青松老閒看仙人數  
局棋

初夏偕同署諸君子飲西郊池亭仍用前  
韻

花時聊復問鷗羣樹有新陰藻有文且與共聽  
幽澗水休教驚散隔溪雲青衫暫可驅從使紅  
袖那堪對此君韻遠心空無一語不知啼鳥欲



何云

偶作贈方子

一瓶一笠一條蓑善操吳音與楚歌野鶴神清  
因骨老鴛鴦頭白爲情多腰間珮玦千年物醉  
後顛書十丈波近日裁詩心轉細每將長句學  
東坡

冬盡偶成

青霜一寸冰皮老凍楚荒荒落饑鳥老去慚看

口脚忙冬來怕見曆頭少客裏關心遼左書夢  
中失路京華道宦心灰盡復如何大都也似霜  
前草

別小修

瓜洲雲色蔽天昏腸斷金山寺裏猿狎客也須  
同海鳥過江切莫食河豚幕中有主當持牘雪  
裏無錢且典禪畫戟如林高丈五不知何處是  
朱門

王太古令郎有父風卽賦  
空階長日綠苔封一望江烟翠色重陶令無兒  
閒紙筆龐公有子識機鋒窗前慈竹分新種雪  
後山雞覓舊踪總角未除髭未長因君自笑老  
龍鍾

卽事時京使至

朔霰泠泠打角巾客途那得更長貧百錢買看  
雙丫女一日刺投數主人白酒澄來如雪水青

袍當去得霜鱗端居忽謾逢京使怕說東華十  
丈塵

丁酉十二月初六初度

雙鬢蓬蓬又一新布衣何處不緇塵高天下地  
盡如此開口伸眉有幾人客饌夜深燒蕨粉山  
臚冬盡剝松鱗清溪半曲田三畝只待陶公與  
結鄰

其二

幽窗朝起自焚牋收拾從頭舊簡編文字少無  
隔宿約橐囊充有半年錢花前沃雪呼家妓醉  
後灰心學老禪拋却吳官今一載青泉白石幾  
高眠

其三

葛巾散帶亦何爲白首龐公是我師燈下侍兒  
閒禮懺牀頭稚子解吟詩江漁供客來冰縫山  
鳥驚人觸凍枝鬢髮如油霜鏡裏等閒拔出幾

莖絲

其四

天涯隨處是生緣濶帽寬衫似老年筭馬與人  
三十口賣奴及宅五千錢一心槁木寒灰去幾  
度拋書把酒眠古佛閣前溫炕裏拽將紅袖夜  
談禪

其五

雪霽寒江饌得魚北風香墮蠟梅初身閒白髮

真中先生全集 卷一  
顛先黑病後烏紗夢亦疎薄宦古人雙屈指家  
鄉經歲兩番書百年碌碌渾如此檢點從前事  
事虛

遊仙詩爲胡仲魚作

願作人間丁令威千年華表一來歸天門戲博  
輸龍去石室燒丹試犬飛洞裏松花充曉飯篋  
中雲葉作寒衣鄣山若更逢潘子爲問桃源是  
也非

聞崔氏女拜無念學道戲柬念師

撇他螺黛與鉛華愛渴惟消一碗茶檀板且教  
歌梵字羅衣權剪作袈裟心如止水堪容月身  
似寒林也着花摩頂幾回親記取生生世世法  
王家

雪夜感懷

空房夜靜落燈煤一絡牕風似剪來三尺雪中  
乘夢去五更天外覓愁迴。蕙仁酒盡惟空盞螺

甲薰殘只死灰。爲憶朱門深宅裏。幾人歌哭喪樓臺。

侵曉見閨人禮懺

殘月微微散曉星。窗風吹動畫幡鈴。衣中珠珞千條重。定後鑪烟一縷青。鸚鵡教來持口戒。蓮華繡去裹心經。梵音唱徹聲清遠。臥閣何人夢不醒。

放言效元體

人間得失只如斯。得固欣然失豈知。消日總多無義語。安心唯有耐輸碁。鄉書寄去求鶯災。閩客新來送荔枝。今古騰騰一覺裏。管他淳朴與澆漓。

其二

三十年間閃電身。半居白石半紅塵。空中往往書歡字。鏡裏頻頻感去人。方帶割來殉酒盞。時瓶破後少茶賓。眼前笑得須當笑。未有脂膠粘。

日輪

其三

花前蓬鬢影婆娑。每到花開卽浩歌。甘草雖甜終傍苦。蜘蛛縱巧不離羅。常年歡與愁相對。百歲仙於人孰多。白日旣知無返理。問君何不買青娥。

其四

葛藤爲杖竹爲冠。浮世都教一例觀。龍伯山來

猶氣岸醯雞夢裏亦酸寒。伊周未必嫺經濟。楊墨徒勞闢異端。識得箇中些子去。蠻天鬼國也相安。

其五

幸將七牘贖閒身。早晚山中事事新。批頰烏爲司鼓吏。寒號蟲作守更人。攤書誤置巖前樹。洗墨常翻霧裏鱗。醒卽長吟睡卽定。更於何處覓埃塵。

得家報

清晨閣外逢鄉使持得平安書信來初問三哥  
何處去次言八口幾時迴新城漸漸沈流水舊  
舍荒荒長草萊幸有南龔與北李時時出郭時  
銜杯

登華一

山蓀亭上掛頭巾便作叅雲禮石人流水有方  
能出世名山如藥可輕身眼中華嶽千尋壁衣

上咸陽一寸塵逢着棋枰且休去等閒看換野  
花春

其三

瀑布聲中洗面塵洞花吐草自然春欲攀絕壁  
無根地且趁孤雲未老身墮險啼厓皆韻事倚  
松坐石想幽人飛仙已蛻茅龍死留得青山一  
壑鱗

其三

艱危厯盡到岩居可有丹梯上碧虛  
玉女烟中頻索夢蓮花葉上細題書  
補填積雪成新徑展拓閒雲架小廬  
別院棋枰聲隱隱微風恍惚動仙裾

其四

洗頭盆下擷芝苗古洞深松話寂寥  
仙迹久湮無後輩遊人逆數卽前朝  
身輕眼豁腸皆換月冷煙清夢亦遙  
見說乳泉甘似酒捫蘿親與試

雲瓢

其五

杖底諸山似浪紋舞青搖綠鬣紛紛  
半規影裏江河合一尺烟中晉楚分  
未有因緣離下界虛將名字列高雲  
松風破夢丹爐冷慚愧瓊田碧草芬

其六

玉井前頭乳穴重奚兒聊以一甌從  
空崖壁冷



長留雪古屋雲昏尙鎖龍明月自升千尺嶺道  
人間說五株松瀑簾洞下真官老占斷林泉是  
此峯

華頂示同遊樗道人

踏遍秋雲琢紫苔巨靈掌上覓松栽公超舊谷  
猶疑霧方朔前生解役雷幻詭也能通道術詠  
諧大抵近仙才芙蓉一削五千仞不是狂夫不  
上來

岳頂歸至青柯坪示同遊道人

飛鴻是處有遺踪題破蒼崖霧幾重枉把真形  
圖五嶽難將奇句答三峯山耀未老身慚鶴雪  
頂歸來杖有龍紫蕨黃精君記否鐵犁溝下舊  
村農

登太室絕頂

山行二十餘里覓古今人題  
壁不得一字欲窮天泉石樓  
之勝而壞洞無可栖  
止者嵩遊之廢久矣

礫瓦紛紛雨洗斑嵩峯久矣閉仙關雲開忽見

玲瓏壁水外微鋪淡遠山古道熟知龍洞嶮僧  
云勝在石樓間幽岩欲去無栖處獵火燒空照  
夜還

觀盧岩寺瀑布

百尺烟中紫翠分水光搖日雪紛紛長風碎曳  
千年石飛雨斜侵半壁雲澗底有人穿洞出山  
間投礫隔村聞仙家只在深嵐裏松腹猶存鳥  
篆文

其二

洞門長是帶雲關竹杖深穿香靄間醉裏放杯  
眠澗水夢中和雨入盧山霞光射壁殘碑出松  
影流堦處士還潭下老龍呼不起攜將新月過  
烟鬟

贈登封令傅元鼎

嵩山之奧有白鶴觀遺  
址偃蓋松一株亭亭可  
愛元鼎圖復此地  
故未句及之

塵尾一麾案牘稀石淙潭水洗秋衣公庭葉落

書常滿絕壁雲開鳥自飛入寺每教求蘚蹟上  
山親與勘松圍夢中白鶴如相語君是重來丁  
令威

嵩陽宮古柏封於漢非漢物也都立敬以  
爲三代時物信然

看窮人代只青葱山鬼那能記始終手把洛書  
逢大禹眼窺日表見周公龍鱗抉石方知地鳴  
翻搏天始送風縱使文成能誑語問渠霞壁幾

時紅

石淙

一區崖壑洗深清傍嶮隨夷置酒鎗石是米顛  
懷袖出景如摩詰畫詩成謂摩詰詩中畫遊人恰好中  
央坐怒水常穿四壁行若把盧岩來比較盧岩  
雖勝少幽清

其二

陂陀行盡見幽奇想得川融山結時大關嵩高

如第舍小分烟嶺卽園池崩雲倒沫森森立枕  
石聽泉事事宜勝跡幾人曾到此摩崖碑上有  
娥眉

將入秦試士諸同舍別於西郭水亭得魚  
字

郭外園林盡不如水亭香泛綠芙蓉門前且繫  
新驪馬囊裏猶存舊蠹魚華岳看雲唯自語曲  
江題壁倩誰書憑君爲報關門尹不是當時板

屋車

入超化寺水村

頽巒疊谷瀉溪光石上題名尙李唐竹葉送陰  
遮古寺稻芒隨水出山莊一林過雨蘆花白半  
壁疎雲栗子黃猶記西風紅蓼裏桐槽載網入  
瀟湘

青樓曲

懶看梧葉下空堂秋月秋風淚幾行獨夜香臯

緘遠字經年鸞匣緩離粧蘭披別恨瀟湘浦柳  
帶愁烟漢水傍折盡庭花人不見枉教蟾子墮  
流黃

梨雲館類定袁中郎全集卷之七終

